

宋

會

要

# 郊祀

全唐文

宋會要

郊祀儀注職事

親郊其五使已載別門餘執事官謂都大主管排連提  
點轄捧日奉宸隊法駕鹵簿儀仗兵隊幹辦排連法駕  
鹵簿儀仗兵隊都大提舉主管并一行應奉兼主監散  
賞給都大主管大內公事行宮使輦輅前編排引駕臣  
寮及御營四面巡檢青城內至郊壇巡檢城裏都巡檢  
使金玉輅前後經略提點編排捧日奉宸兵隊執儀仗  
等比舊書雖名稱畧異而所差官亦以武臣內侍充與  
元豐官制之前頗同更不重見

宋會要

乾德六年十一月四日詔行事官令太常禮院以諸道  
前資賓幕州縣京官黃衣諸司守選人充仍須以逐人  
出身歷任文書准勅格分明磨勘委無違礙引驗正身  
方得差補如數內曾有殿犯及除除名免官勒停人未  
經恩洗雪者不在差補之限有已取到文解選人不得  
更赴行事開寶九年二月詔南郊諸司寺監准例合差  
行事官宜令逐州點檢除先受西川廣南官不赴任應  
自前准勅起遣不赴闕者并曾經引見揀落及不與官  
人等並不得差補如行事畢後叅選日銓曹磨勘却有  
違礙其元差補官吏勘罪奏裁 太宗太平興國三年  
十月十日詔應諸司奉郊祀行事官等並以前資官吏

部黃衣選人充曾犯除名及免所居官得任未經恩宥人等並無得差補 六年十月二十一日詔自今奉郊廟行事文武官致齋日並須洗沐澣濯衣服務於虔肅違者以不恭論令御史臺糾察 淳化元年正月判宗正寺趙昂言宗朝祀祭差攝行事官多輒稱疾不赴饗祭之時員多通攝欲望自今如實患者具名以聞遣使司醫官驗視如涉虛誑請行降黜詔從之仍令監察使常切告諭 三年八月十六日中書門下言昊天四祭太廟五饗望依舊以宰臣攝大尉行事自餘大祀並差給舍已上攝中小祠諸司四品以下攝從之 真宗咸平二年二月詔自今祠祭行事官遇急速差遣即聽申

書門下委實疾患監祭使牒醫官院看驗依淳化元年詔書施行內有主判帶職者無得託故陳狀如有規避令御史臺太常寺糾察以聞景德二年九月三日詔南郊行事官並須依壇上下等級官齊次第定差不得差老幼疾患者禮有不肅命御史臺覺察彈奏十一月六日詔京官年未十五願赴南郊陪位者並聽時秘書省正字晏殊上章願觀大禮帝憐其意許之因有是詔景德三年八月二日命知樞密院事陳堯叟為祀汾陰經度制置使權判河中府翰林學士李宗諤副之仍權同知府事河北轉運使李士衡三司鹽鐵副使林特計度度糧草提舉京西陝西轉運司事樞密直學士

戚綸昭宣使劉承珪計度發運綸知杭州以龍圖閣待制王曉代客省使曹利用西京左藏庫使張景宗供備庫使藍繼宗相度行宮道路內供奉官李懷岳殿頭郝昭信司當修造及省厨內供奉官史崇貴高品趙履信同管行宮橋梁道路並取陳堯叟等指揮仍迭入奏事二十四日上封事者言郊兵部及諸寺監太常禮院差前資幕職州縣官并在京百司人吏行事無定員數多是身不在京許人投狀劄給公驗減選欲望自今先定合用員數申中書以無違礙官差並須親赴行事方得出給公驗如違委御史臺禮院覺舉以聞從之十二月二十四日又置車駕前後行宮四面都巡檢三人同巡

檢三人欄前收後巡檢三人車駕左右廂巡檢四人都  
大提點排頓三人整肅行在禁衛一人編排導駕官二  
人東京舊城內都巡檢使一人同巡檢使一人新城內  
都內巡檢使二人舊城內都同巡檢鈐轄三人新城內  
巡檢二人管內皇城大內公事一人同管勾大內公事  
一人大內西面巡檢四人並以閣門諸司使副管軍樞  
密承旨內侍押班都知充 四年正月十三日詳定所  
上從至睢上及奉祀官從人數入內內侍省都知二人  
內臣五人內侍省都知一人內臣五人閣門使一人通  
事舍人二人帶御器械二人親王內臣一人知客一人  
中書門下臣直省官樞密院知客押衙各一人幕次所

留從人親王書樞密院四人三司使學士尚書丞郎上  
將軍觀察使已上三人給諫知制誥龍圖閣待制大卿  
監三司副使知雜御史大將軍樞密都承旨防團刺史  
閤門使已上二人餘並一人仍不得至壇下升壇職掌  
人數中書省十人昇冊門下省二人捧寶太常寺六人  
捧俎二十二人登歌禮院三人引贊行事少府監三人  
供祭玉酒爵光祿寺二人酌酒過俎司天監二人設神  
位太府寺一人供幣將作監一人掌香火從之大中祥  
符元年四月二十四日殿中侍御史崔憲言近差行事  
官或初登仕路或久在外官不習祠祭禮儀望自今並  
先赴齋宮習儀從之 九月二十二日詔群臣有耆喪



未滿餘服未卒哭者不得預祭敢有隱匿遇赦不原自  
用此制五年九月三日詔大禮朝會據儀制京官並赴  
陪位自今不至者令御史彈奏六年三月六日詔應  
祠祀行事官並須早入致齋遇大禮行事官並午前集  
朝堂先是饗先饗太祝馮綬致齋後至為監祭使  
所糾故申明之七年二月八日詔行事官諸司職掌奉  
祀行事懈慢者委御史臺糾察重加其罪遇赦不原  
八月二十七日詔齋郎室長每年預五大饗行事無遺  
闕放一選一年內全不到者殿一選預一兩次者勤守  
本出身選仍給歷于歲終具逐人行事度數聞奏定為  
永式八年七月二十七日中書門下言舊制祀昊天

上帝及饗太廟並宰臣叅知政事攝事近歲多遣他官  
慮非嚴重自今望依舊制從之 十月九日太常禮院  
言諸祠祀獻官數少慮虧恭恪冬至祀昊天上帝舊司天  
監一員今請添分獻官一員夏至祭皇地祇舊司天監  
一員今請添分獻官一員禘百神舊司天監二員今請  
添分獻官二員准禮兼祝史齋郎助奠從之 天禧元  
年正月七日有司言冬至祀圜丘舊命獻官十四員伏  
緣神位甚多未盡恭恪望量增七員雩祀大饗並增一  
員夏至方丘禘祭百神並增二員從之 四年閏十二  
月太常寺言管太祝奉禮除授差遣及年小在外止有  
十一員四季祠祭共使百二十餘員詔令本寺牒御史

臺取索祕書郎至寺監主簿官位姓名以十七歲以上  
堪差攝祇應者與見在寺太祝奉禮共三十人為額自  
今差攝行事官應奉及五年無遺闕公過者牒送審官  
院磨勘引見內有遺闕曾因祀事犯私罪一兩次已上  
即更差攝行事一年亦送審官院 仁宗景祐二年二  
月十五日詔每歲大祠故事以宰臣攝事者自今以叅  
知政事尚書丞郎學士奉祠 八月十一日太常禮院  
言南郊壇第一龕五方帝大明神州地祇天皇太常北  
極並只差司天監保章正等官行禮五帝以下皆屬尊  
神官秩苟卑饗接非稱今叅詳壇第一龕欲差少卿監  
或正郎充獻官每位各一員其第二第三龕並差員外

郎以下每龕一員神位多處量加員數如官闕即差已  
次官內壇外衆星並乞量位數差京官與保章正等官  
分拜詔可 康定二年十一月十五日詔南郊行事鴻  
臚寺禮賓院蕃客並於宣德門景靈宮門外及南郊壇  
立班不赴太廟 慶厯七年八月九日集賢校理同知  
禮院邵必言准敕郊禮行事除有父母服不得入太廟  
奉慈廟其景靈宮南郊壇即聽入臣竊以南郊太廟俱  
為重祀奉承之意無容異禮今居父母喪者既不得入  
太廟而得與郊祀郊愈為重能無妨乎如聞今非與祀  
之官但緣祀事闕職有父母服者雖不入神門行禮然  
皆得至齋宮其南郊雖至壇所亦無禁止吉凶相漬莫

此爲甚且常祀行事官出入尚先期清道不得見諸凶  
穢今天子親祠郊廟而返容喪者執從其間尤所不可  
臣欲乞今後郊廟行禮應臣僚有居父母喪而被起者  
並不許赴若以慶澤之行例須霑錫亦在朝廷恩旨所  
及爾不必屈禮而回容也詔禮官定議以聞太常禮院  
言郊祀大禮國之重事百司聯職僅取濟集若居喪被  
起之官悉不豫事則或有妨闕但不以慘羸之容接於  
祭次則亦可行按太常新禮自今宗室及文武百官有  
遭喪被起及卒哭赴朝祭者遇大朝會聽不入若緣郊  
祀大禮惟不入宗廟外其郊壇景靈宮得權從吉服陪  
位或差攝行事著祭服無嫌伏緣今來遭喪被起者悉

有職事難以盡廢欲令後大祭祀應有父母喪被起者  
依舊不得入宗廟外其郊壇所聽權從吉服行本職事  
唯不得入壇門庶協禮意又不廢官守詔可 神宗熙  
寧三年十一月八日詔應係祠祭合差分獻官只令審  
官東院准例差攝 五年正月十九日詔自今奉祠大  
廟命宗室使相以上攝事先是侍御史知雜事鄧綰言  
伏見著令郊廟太祖常以宰臣攝太尉受誓戒致齋動  
經累日中書政事多所廢滯祭祀之禮於古則專以宗  
伯治神於唐則宰相之外兼用尚書嗣王郡王下至三  
品以上職事官通攝而本朝親行大禮亞獻終獻亦有  
以親王及宗室近親攝事者方陛下講修百度政府大

臣翊贊萬機而又使之奉郊廟四時獻享之禮實恐淹廢事務欲乞明詔有司凡四時獻享郊廟大祀專使宗室近親兼使相者攝上公行事故有是詔 八年十一月二十二日詔每歲昊天四祭差兩省以上官攝司徒行事 十年正月二十九日侍御史周尹言今後宗室使相已上赴太廟大祠行事者不得臨時託疾避免如違請委大宗正司勘劾取旨如使相已上員數不多祠事差攝頻數即乞自節使已上相兼差攝從之

宋會要

元豐三年六月二十八日詳定郊廟奉祀禮文所言先王事祖考致其力而又致天下之力所以盡誠孝也周

禮大宗伯職大祭祀王后不與則攝而薦豆蓬徹以此見當祀必躬親之蓋致其力也禮記曰武王莫收室率天下諸侯執豆蓬駿奔走又曰有事於太廟群昭群穆咸在此致天下力也後世苟簡有侍祠而無助祭故沈約謂侍祠非舊典言其無所事也本朝親祠郊廟執事之官皆一切臨時取充位而已宗室及陪祠官則無預於職事異於用力忘勞同事神明之意伏請親祀南郊薦徹蓬豆簋簋俎饌以朝臣充太廟以宗廟室遙郡刺史已上充從之仍令審官東院大宗正司選差無過犯堪執之人是日又言唐六典中書侍郎掌貳令之職凡臨軒冊命大臣令為之使則持冊書以授之若自內冊



則以冊書授使者又曰漢置中書掌密詔周官內史掌王之八柄掌書王命蓋中書之任也古者爵有德而祿有功必賜爵祿於太廟故命內史讀冊洛誥曰戊辰王在新邑烝祭歲文王騂牛一武王騂牛一王命作冊逸祝冊惟告周公其後釋者曰褒德賞功必於祭日示不敢專也讀冊告神謂之祝逸冊者使史逸讀冊書也周禮內史凡命諸侯及孤卿大夫則冊命之祭統所謂祭之日一獻君降立于阼階之南南鄉所命北面史由君右執冊命之是也然則古者褒德賞功于太廟乃命內史讀冊開寶禮及郊廟明堂儀注告神之冊而使中書侍郎讀之殊為舛誤蓋贊詞接神者莫如祝故郊特牲

曰祝將命也周禮大祝下大夫二人上士四人掌六祝之辭以事鬼神示儀禮少牢饋食禮記說室中陰厭饗神之節云主人西面祝在左主人再拜稽首祝曰孝孫某敢用柔毛剛鬣嘉薦普淖用薦歲事于皇祖伯某以某妃配某氏尚饗主人又再拜稽首此則讀冊之任也開元禮郊廟明堂讀祝並命太祝最為近古伏請郊廟明堂讀冊改命太祝從之仍差史官攝八月十五日大宗正司言奉詔親祠南郊薦徹籩豆簋蓋俎饌以朝臣充太廟以宗室選郡刺史以上充今勘會宗室自郡王使相以下至選郡刺史數等官位欲自選郡防禦使以下至選郡刺史以上選充從之二十七日詔有司攝事依

舊於尚書省受誓十一月又言禮文所詳定到祭前一日司尊彝其屬以法陳祭器於堂東僕射禮部尚書視滌濯告潔祭之旦光祿卿帥其屬取籩豆簠簋實之禮部尚書帥其屬薦籩豆簠簋戶部兵部工部尚書薦三牲之腥俎又薦熟俎畢禮部尚書徹籩豆及親祀太廟以宮闈令園丘以郊社令掃除從之又言皇帝親祠供官並差命官選人乞下太常寺於投狀願行事官內選差如闕報所屬差仍令於習儀前半月每日赴太常寺教習朝拜從之十二月又言奉詔五方嶽鎮海瀆共為一壇係中祠以五時迎氣日祭之舊例中祠審官東院差行事官等迄今後逐次例牒審官東院差攝從之

四年四月十三日詔親祠北郊依南郊儀如不親祠上  
公攝事仰太常禮院條具以聞十月二十一日詳定郊  
廟奉祀禮文所言親祠儀注皇帝至壘洗侍中跪取匱  
沃水又侍中跪取盤承水皇帝揖圭盥手門下侍郎跪  
取巾於篚興進謹按周禮小臣上士四人大祭祀沃盥  
盥御僕下士十有二人大祭祀相盥而登鄭氏注云相  
盥者謂奉槃授巾則是周以上士沃盥下士相盥也唐  
開元中施恭本駁奏舊封禪禮八條其畧以謂盥手洗  
爵人君將致潔而尊神故使小臣為之今侍中大臣也  
而沃盥於人君太祝小臣也乃詔祝於天神非禮也今  
侍中名則吉官非復漢魏執虎子之班漢禮侍中行之

則可今以侍中為之非也門下侍郎在漢與侍中俱領門下衆事郊廟則一人執蓋臨軒朝會則一人執麾其官給事於黃闕之內故曰黃門侍郎今之所受皆是執政官非昔執麾蓋之任而使之進中是又循名而不察其實也伏請親祠以御藥院內臣一員沃盥一員授巾從之二十七日又言古者神民不雜禮刑易制治禮之官常得以治禮事神之官常得以事神故周官王與后不親祭事則宗伯攝自漢以來官不得其職太尉常郊祀亞獻光祿掌三獻太尉掌兵今則為三公光祿本掌宮殿門戶皆非祠官之任伏請祠祭應攝太尉並以禮部尚書充如正官闕則南北郊以中書臣僚攝太廟以

宗室攝其餘及亞獻太常卿並以太常禮院主判官攝其光祿卿並罷終獻仍以太常卿行禮又博士之官掌贊相祭祀本朝始有監禮之名今若俾之攝行祠事正合古意緣已有御史監祭合罷監禮詔自今南北郊差執政官為初獻禮部尚書侍郎為亞獻太常卿少為終獻諸祠祭禮部尚書侍郎太常卿為初獻太常少卿禮部祠部郎中員外郎為亞獻太常博士為終獻宗廟親王宗室使相節度使為初獻宗室正任已上為亞獻終獻已上如闕即遞差以次官充仍罷監禮是日又言周官太史之職正歲年以序事頒告朔于邦國自漢以來皆以司天時日星災祥之事至唐改為司天臺職任如

舊惟置諸生掌布諸壇神位本朝大中祥符中增司天監  
為二員分獻昊天上帝壇第一阼五方帝以下九位自  
後又命他官攝司天監行事夫日官既非習禮事神之  
司又假其官名以行禮殆非禮意伏請應以司天監分  
獻者改差禮官從之

### 宋會要

七月秘書少監孫覺言今後遇闕監祭令預牒太常博士  
如有妨闕即申尚書吏部差曾任臺諫并館職清資  
官又闕差知州資序人其太祝並差進士出身人從之  
十月十三日南郊禮儀使言將來南郊行禮當差行事  
官詔更不用式差攝止以見任兩省御史并六曹侍郎

待制以上仍不限員數令後准此其儀仗內六引開封  
收令闕差知府知縣太常卿闕差少卿司徒闕差戶部  
尚書又闕差侍郎御史大夫闕差中丞兵部尚書闕差  
中丞兵部尚書闕差侍郎其僚佐即依條差官七年十  
月詳定郊廟奉祀禮文所言唐六典大朝會大祭祀則  
侍中版奏中嚴外辦以為出入之節輿駕還宮則請解  
嚴告禮成也竊詳侍中之職掌出納帝命凡軍國之務  
與中書令參總焉唐以來謂之真宰相非復秦之丞相  
史通典曰秦為侍漢魏掌御物之任而使之秦中嚴外  
辦及請解嚴殊不應禮周官小宗伯大祭祀告時于王  
告脩于王隸師凡祭祀禮成則告事畢小宗伯春官之



貳則今禮部侍郎之比隸師春官之屬則今禮部郎中  
之比也伏請奏中嚴外辦以禮部侍郎鮮嚴以禮部郎  
中掌之又言周禮大宰之職此五帝之曰贊玉幣爵之  
事祀大神亦如之享先王亦如之贊玉几玉爵又小  
宰之職凡祭祀贊玉幣爵之事凡受爵之事凡受幣之  
事國朝郊廟明堂禮以郊社令設玉幣太祝取玉幣以  
授侍中進皇帝門下侍郎取爵進皇帝奠爵皆未合禮  
伏請郊廟明堂命吏部尚書一員奉玉幣吏部侍郎一  
員奉爵以次從皇帝至神坐前左僕射關則右以玉幣  
進皇帝奠於地及酌獻尚書左丞關則右丞以爵授僕射進  
爵皇帝酌獻訖侍郎爵以贊飲福及焚燎外宗廟仍尚

書說玉几從之十二月二日尚書禮部言太官令遇祠  
祭行禮合先以常服升壇殿陳設畢改服本品祭服同  
奉禮太祝立於罍壘之次從之

### 宋會要

哲宗元祐元年六月十六日中書省言向者祠官御史  
每奉祠已事之日雖城內例各歸休更不赴朝謁等所  
以祭日前三刻設位具籩豆祭前一刻監祭點鬯畢然  
後行事與夫辨色而朝二者不可得而兼也昨因御史  
楊畏申請自後城內祠事畢仍起起居拜表行香赴燕  
入局由此恭君事神之道常畧其一欲辨色而朝則須  
中夜而起先時而祭是恭於君而畧於神也欲祭前三

刻奉祀則辨色之趨固不逮矣夫齋心一意以奉祠祀  
猶恐未盡其至誠今休迫從事憂其不逮恐非以齋戒  
之道欲應今後城內祠事畢行事官並免起居拜表  
行香赴燕止令入局所貴恭事之心情文兩盡從之  
六年七月二十七日太常寺言本寺祀儀祀天地宗廟  
登歌節奏協律郎舉麾其餘大中小祠並不與竊以諸  
壇祠祀歌詞樂器之類與夫節奏務要整齊協律郎若  
不與祭無由檢察自來同日數祭闕行事官並申尚書  
吏部差待次官充攝欲乞今後祠祭用樂處若不與享  
祀天地宗廟同日其祠祭闕官即輪協律郎充攝因使  
審聽樂曲餘闕即申吏部差官從之 七年正月二十

二日太常寺言本朝因唐之舊以御史為監察使輪知太常禮院官監禮近年以博士為獻官遂罷監禮惟御史專視祀事然御史多闕員博士雖可權攝監祭又或不赴遂以他官攝事無所督察乞每祠以博士監禮如故從之

崇寧三年復專以御史監祭遂罷監禮

八年正月十九日詔應大

祠差禮部尚書侍郎太常卿為初獻已受誓戒而有故不赴若禮部郎官為亞獻自可攝初獻外餘官即令本祭內官高者通攝謂如職事郎官奉俎而博士或吏部差到官為亞獻即令奉俎職事官攝初獻之類元符元年六月太常寺言請光祿寺官今後每遇祠祭已受誓戒後及中小祠散齋日分其約束事體並從祀儀禁

止郊社今亦乞依此從之

徽宗崇寧元年四月七日

太常寺言諸祀天地宰臣執政官已受誓戒有故不赴以本祭內職事官高者攝亞獻以禮部尚書侍郎有故或闕伏次輪差五曹長貳又闕即輪給舍諫議終獻官以太常卿少禮祠部郎官有故或闕即差比司官又闕依次輪差五曹郎官其奉俎以戶部工部長貳有故或闕即戶兵工部通差又闕以逐部郎官攝應行事官雖本職獨員並不許免內六曹官如遇本曹四部止有一員者聽免仍申本曹闕吏部從之 大觀元年二月六日監察御史王亶言伏覩神宗皇帝稱情立文著為一代成憲祠祭格今所委行事官以大中小祠定其職位

今捧組官有用户兵工部郎官以上至於獻官或闕則吏部所差多是班秩在郎官之下輕重先後情文不稱望下有司講究於是太常寺言請自今行事官依格差及遞差以次官外若闕初獻聽報秘書省以長貳充亞獻終獻禮官闕以太常丞闕以祕書丞以下充又闕本省直報尚書吏部仍報太常寺監祭御史闕聽輪博士又闕報尚書吏部其吏部差官攝初獻光祿卿少以朝奉大夫以上充戶部兵部工部郎官監察御史亞獻以朝奉郎以上以內監察御史終獻禮官以通直郎以上仍著為令從之政和二年四月二十日詔祀為國之大事苟失其儀何以享神比聞祠祀類多簡情執事之人

代名者十有七八加之容止全無莊肅牲牢不依祀料  
失嚴奉神祇祖考之意自今大祠御前不時差官詣祠  
檢察不如禮令具實以聞尚敢弗虔重置于法 三年  
五月十五日臣僚言奉祠之官祇赴祠事多於受誓點  
饌之後方至蓋是吏部所差外官攝行既無人從又太  
常寺贊者不肯前期指說緣此後時遂至闕誤詔自今  
差在京釐務官 四年八月十二日太常寺言祠事監  
祭考監察御史不足以太常博士又不足則吏部差官不  
諳糾察之職今後太常博士闕乞輪六曹郎官或祕書  
省官充攝監祭從之 六年十月二十八日冬祀大禮  
使司言太廟行禮樽罍酌酒十室止差宗室一員往來

交錯不至肅靜及奏奉神主并禮畢奏納自來止差太常寺吏人御前躬奏殊失嚴奉之體詔酌酒每室差一員奉納神主等改差侍從官一員令本寺吏人引贊八年正月二十四日內出手詔古者祭必擇士所以致其恭且嚴者如此今太常歲祠因仍舊例差吏部侍次官攝事老疾罷癘謾不簡擇非致恭之意也自今輪差宗學及書局官吏部差官並罷宣和七年八月五日中書省言勘會冬祀夏祭大禮依例詔致仕宮觀前宰臣執政官赴闕陪位前宰臣提舉西京嵩山嵩福宮余深前執政大名尹徐處仁河南尹王襄提舉西京嵩山嵩福宮薛昂提舉亳州明道宮范致虛詔並令赴闕陪



高宗紹興八年十二月七日前同知大宗正事安  
定郡王令廣言恭觀詔書太祖皇帝之後擇屬近而行  
尊者列土而王常令從獻於郊廟世世勿絕臣忝冒襲  
封祿衰老多病拜跪艱難如遇大禮乞免從獻止乞陪  
位從之 紹興十三年八月十九日禮部太常寺言紹  
興十年明堂大禮前一日朝饗太廟除薦籩豆官更不  
差官外其薦牛羊豕俎官更不逐室差官係差南班宗  
室三員詣諸室薦牛羊豕俎行事其籩豆簋簠先次設  
置更不差官薦奠內依議合徹籩豆係薦牛俎官兼徹  
籩豆行事今來郊祀大禮前一日朝饗太廟欲乞依上  
件禮例施行詔依

後皆  
倣此

紹興十三年八月二十五日禮

部太常寺言今來郊祀大禮并朝獻景靈宮朝饗太廟  
合差贊者一百二十四人并同日分祭太社太稷合差  
贊者八人并同日分命九宮貴神合差贊者七人共合  
用贊者一百三十九人所有今來郊祀大禮除見管贊  
者二十五人外其餘見闕贊者一百一十四人今措置  
於下項去處差借正名貼司已上不居父母服制之人  
於大禮前四十日當官封臂保明正身發遣赴太常寺  
教習吏部七司三十五人戶部五司三十五人兵部四  
司一十五人太府司農寺國子監官告院各五人軍器  
將作監太宗正司各三人詔依自後二十六日吏部言  
將來郊祀大禮據太常寺狀今來景靈宮諸殿太廟別

廟圓壇分詣九宮貴神社稷合差捧執籩豆簋簠執事  
等官一百餘員兵部又差儀仗內合用攝殿中侍御史  
二十四員共及一百三十員並令本部差撥竊緣尚書  
左選在部官員數不多今相度欲乞候將來差官日如  
京朝官闕少即差選人或大小使臣若不足更於臨安  
府并管下縣鎮見任及寄居待闕文武官內那差候事  
畢日歸還本處如又無官可差仍乞於三省行首司已  
參堂官內差撥其所差官並不許辭避所有在部承務  
郎以上并大小使臣及參堂官乞自今年九月一日權  
住給假出外並選人亦不許歸鄉指射如已授差遣官  
除見闕合赴任官外餘不許朝辭詔除臨安府并管下

見任寄居待闕參堂官准備朝廷差撥外餘同日禮部  
太常寺言紹興十年明堂大禮前一日朝饗太廟薦香  
燈官一十一員係令大宗正司依自來例差南班宗室  
充所有今來郊祀大禮前一日朝饗太廟合差薦香燈  
官欲乞依禮例施行詔依後此二十八日禮部太常寺  
言紹興十年明堂大禮并前二日朝獻景靈宮前一日  
朝饗太廟所差行事官係太常寺具行事官窠目申中  
書省差官所有今來郊祀大禮所差行事官欲乞依禮  
例施行詔依後此二十九日禮部太常寺言今具下項  
一將來郊祀大禮壇上正配四位合差捧執蓬豆俎  
官二十四員舉鼎官一十六員欲乞依禮例從太常寺

具稟目申吏部差官並前一月起赴習儀 一將來郊  
祀大禮前一日朝饗太廟依儀合差捧俎官六十六員  
今欲乞依禮例於所差圓壇捧執豆等官四十員并  
圓壇奉禮郎一員就充太廟捧俎官行事外見闕一十  
六員乞從太常寺申吏部差官 一在京遇冬祀大禮  
隨所差分獻官員數合差奉禮郎一員并龕墻木爵官  
一員並係吏部差官所有今來郊祀大禮除第一龕合  
差奉禮郎一十員乞依例令吏部差官前一月起赴教  
習外所有其餘合差奉禮郎并龕墻木爵官乞從逐次  
明堂禮例更不差官今執事人充代 一將來郊祀大  
禮合差供亞終獻執爵及盥洗拭爵巾官并分詣別廟

九月十五日  
西日四日  
三條移此

九宮貴神太社太稷較門奉禮郎等官乞從本寺具窠  
目申吏部差官施行詔依 九月二十日內侍省言據  
點班申契勘將來郊祀大禮本省依令格合差使臣共  
七十九員雖隨宜裁減并依例送入內省差人外其餘  
窠目又令兼併主管每員不下三兩處尚合使三十一  
員緣即今本省止有使臣三人寄班祇候一十二人委  
是差撥不足伏望敷奏於吏部見任得替寄居待闕已  
未到部日前曾任寄班祇候大小使臣內踏逐指差一  
十員如不足於小使臣內指差不許辭避並前一月到  
省與使臣寄班袞同排備幹辦應奉郊祀大禮事務差  
遣事畢無遺闕發遣歸部詔依同日禮部太常寺言今

來郊祀大禮前一日朝饗太廟依議設七祀并配饗功臣位於殿下昨紹興十年明堂大禮前一日朝饗太廟祀七祀并配饗功臣合差獻官二員係朝廷降勅差官其七祀太祝一員係吏部差官所有今來郊祀大禮欲乞依禮例差官施行詔依後皆此四日禮部太常寺言今具下項 一自來大禮前一日朝饗太廟合差舉冊官四員係南班宗室充昨紹興十年明堂大禮前一日朝饗太廟舉冊官當時所差宗室員數不足止就差明堂舉冊文臣四員通衮行事所有今來郊祀大禮前一日朝饗太廟舉冊官欲乞依禮例施行 一將來郊祀大禮神位係七百七十一位今來除正配四位外有從祀

神位七百六十七位依禮例合差分獻官一百員乞從  
太常寺具窠目申中書省差官詔依後此皆同日禮部太  
常寺言檢會國朝故事大中祥符五年詳定所言恭謝  
玉皇禮例應郡官并應奉人如有期周以上服及自餘  
服制未經卒哭不得升殿預視事所有今來郊祀大禮  
應郡官并應奉人如有服制乞依上件禮例施行詔依  
自後檢會此興至隆興二年七月二十二日禮部太常寺  
言等言檢會以上祥符五年恭謝玉皇大帝詳定所言  
群官有期以上服及餘服未卒哭不得升殿預視事  
之又檢會天聖五年禮部奏乞後依准唐正元詔書  
百官有私喪期以下總以上祥符五年恭謝玉皇大帝詳定所言  
可契勘大月中祥符指以祥符五年恭謝玉皇大帝詳定所言  
麻之服三月而除限以卒哭於理未盡有今上其  
大禮及朝獻景靈官朝饗太廟行事執事禮部太常寺  
依天聖五年典故施行契勘今來郊祀大禮及朝獻景



此下三條  
移前

卷一百一十八

三

靈宮朝饗太廟行事執事應奉官並乞依  
天聖五年典故及已降指揮施行詔依同日禮部太

常寺言今具下項 一紹興十年明堂大禮前一日朝

饗太廟進幣爵酒官兼進瓚所有今來郊祀大禮前一

日朝饗太廟欲依禮例施行一自來大禮并前二日朝

獻景靈宮依儀合差刑部尚書賈夔水刑部侍郎增沃

鑊水內前一日朝饗太廟係差南班宗室充賈夔水增

沃鑊水官所有今來郊祀大禮欲乞依禮例其稟目申

中書省差官詔依後音此十三日吏部言據兵部關到差

儀仗監門并太常寺徹殘燭及齋香儀鸞司三頰部役

小使臣除依條將見在部合著短使人差撥外緣即目

合著短使人止有三二十員不住據諸官司報到差檢

視糾面并管押川陝告勅祠部度牒等官文字今准尚書左選關到將來太常寺等處關申差官日如京朝官闕少即差選人或大小使臣其諸門管鑰使臣亦未曾差撥及緩急事故之人今相度如無官司關報到差官文字到部除依條先差合著短使人外如不足將見在部待次住程人並從下差撥其所差官若授住程差遣付身又以過滿及官司踏逐指差等不許辭免並候過將來大禮依舊今後如每遇大禮乞依此施行詔依十四日禮部太常寺言自來大禮前二日朝獻景靈宮俟皇帝詣聖祖天尊大帝位行禮畢合差侍從官詣神御殿分詣行禮所有今來郊祀大禮前二日朝獻景靈宮

欲乞差侍從官三員內一員詣中殿祖宗諸帝神御前行禮二員詣元天大聖后并諸后神御前行禮詔依後此同日禮部太常寺言檢會紹興十年明堂大禮其所差南班宗室如有見在紹興府官指揮大宗正司令逐官於正習儀前十日到行在所有今來郊祀大禮其所差南班宗室如有見在紹興府官欲乞依上件指揮施行詔依後此二十三日樞密院言入內內侍省申准御寶批下本省奏據點班申契勘昨明堂大禮除相兼窠目外實使臣五十五人即日外務并見祇候使臣除年小外見管一十八人并近借到在外差遣等使臣六人通共止有二十四人若依明堂大禮窠目差人尚

闕三十一人緣今來郊祀大禮比之明堂大禮增添窠  
目人數未定今欲乞所借使臣並不許占留數內合差  
供祠執事使臣乞依紹興十年例止差八人官闈令止  
差六人內除就差太廟幹辦官二人外餘合貼差四人  
或更有添差人數從散祇候相度差撥詔依 十月十  
日太常寺言勘會今來郊祀大禮已降指揮所差行事  
官令太常寺具窠目申中書省差官所有郊祀大禮前  
日朝獻景靈宮前一日朝饗太廟合差亞獻終獻各一  
員詔亞獻差安德軍節度使知大宗正事士奎終獻揚  
州觀察使同知大宗正事士奎  
元年鄧王愔三年六年慶王愔九年亞獻普安郡王二十  
八年終獻恩平郡王嘉熙三年皇太子

二年知大宗正事士銜乾道元年慶王愷三年六年恭  
王傳九年淳熙三年少保岳陽軍節度使永陽郡王居

廣二十六日尚書省言吏部差到待次官充郊祀大禮

執事官等其習儀宿齋依已降指揮支破喫食折羊錢

入歷批請緣內有不曾將到請受文歷及未有文歷之

人有妨批勘兼無當直人從理宜措置詔令臨安府每

員各支折食錢十貫文係省錢內支撥仍令本府日下

於見管將兵或廂軍內每員差撥兵士二人隨逐祇應

後皆二十八日禮部太常寺言據修武郎程宗亮等八

十五員狀各蒙吏部發遣前來太常寺充捧執籩豆簋

簋等官係赴圓壇太廟景靈宮行事緣各係是在部官

即無輜馬竊慮臨時趑趑不前欲乞備中朝廷下所屬

權行各關借馬一匹兵士二人今契勘伏乞朝廷指揮  
於殿前司權行每員差借馬一匹鞍轡全並控馬兵士  
二人及乞支破逐官每員到奉大勅號二道詔依此後依  
紹興十三年十一月十六日詔郊祀大禮應行事執事  
官等務在嚴肅如有懈怠不恭令閤門取旨送御史臺  
自是每遇親郊並降此詔

### 宋會要

紹興十九年十一月二十一日詔監贍軍東酒庫杜欽  
雲臨安府錄事叅軍馬亮以郊祀行事失儀各降一官  
為御史所劾也

宋會要

紹興二十七年十一月三日禮部侍郎周方崇言上辛  
祈穀孟夏雩祀夏日至祭皇地祇季祀上帝冬日至祀  
吳天上帝皆嚴配以祖宗緡典祓容與親祠等是以政  
和新禮初獻之官必以執政頃權臣憚於齋戒凡此五  
祀但遣侍從循習既久遂為故事冬日至與高禩之祠  
既已分命宰臣獨上辛夏秋四祀未還舊制望申詔有  
司自來歲始以宰執將事詔依祖宗典故

紹興二十八年十一月二十六日監察御史任古等言  
郊祀大禮園壇行事一皇帝第三次升壇時其樞密都  
承旨陳正同不赴前導詔罰銅十斤 二十九年十月

二十一日部太常寺言冬至祀昊天上帝係大祀數  
內差初獻一員以宰執充於受誓戒以後散齋內有告  
廟奉謚冊寶奉慰竊慮宰執職事相妨若依舊例差侍  
從官充攝初獻行事即無妨礙從之時奉上顯仁皇后  
謚冊故也 三十年三月十三日御史臺檢法官攝監  
察御史張聞言三月九日出火祀大辰監察行事有吏  
部差右宣教郎攝太官令施興祖飲酒至醉褻袒監視  
宰殺喧鬧不肅詔時降一官仍依衝替人例 七月二  
十六日禮部員外郎洪邁言每歲大祀五十五中祀四  
小祀十四自獻官之外必用奉禮授帶太祀焚祝太官  
令酌酒而大祠又有兵工部官光祿卿丞太社令至於



天地高祿感生帝 用執政將禮設八佾之舞鍾磬備  
樂則又太常卿丞官架登歌兩協律郎歲所差官亡處  
數百比年以來為兵工構組以本部長貳官行事而光  
祿卿丞時以太常攝領其他率於兩銓在選者取之除  
受誓散齋外當於祠所致齋二日南至郊壇西至惠照  
院北至几宮壇皆與城市隔絕士大夫逆旅相去或至  
數十里一遇行事則告敕囊橐預謀寄寓州縣遠人不  
閑俎豆儀範梗野不中法式既憂且懼豈復有齋栗之  
心交於神明望今後祠祭令禮部具合差官關報吏部  
許於寺監簿編修刑定學官官教授六曹架閣六院釐  
務官內輪行差攝吏禮部太常寺看詳欲依本官所乞

事理每歲中大中小祀令太常寺具合差官窠目申禮部備關吏部籍定輪差職位下太常寺照會如遇差官不足令吏部帖京局釐務官充攝行事並不許辭避從之

乾道三年閏七月七日宰執以禮官定郊廟祠祭事進呈上曰訪聞致齋處多飲酒喧笑者可令監察御史湏俟祠祭一切了畢方許退先是月行近心大星宰執次日奏對上憂懼天戒形於玉色因言近時祭祀全不嚴肅何以盛格天地可令禮官條具措置約束既而進呈乃有是命

乾道四年九月十一日臣僚言國家每歲祀天地并高

謀以宰執為初獻餘大祀以待從卿監為之自紹興三十一年冬祀宰執以職事有妨後並差侍從官行禮餘大祀或以館職代之今年雩祀雖已差宰臣為初獻立夏立秋祀太一差中書舍人然未能盡如舊制乞自今祭祀並依禮儀差官從之 六年十月二日嗣濮王士輅言今來郊祀日近緣年踰七十筋力稍退乞免差行事止令陪位從之九年亦依所請免差

七年十一月六日士輅言濮安懿王神主神貌在紹興府光孝寺奉安每年四仲享差三獻官依格以子姪為亞終獻舊條紹興府行司差南班官權充今行司已併歸行在宗司乞每遇四仲饗月就差本位于姪或紹興

府見任寄居待闕宗室以長幼次序許牒紹興府權差行事從之

十月十六日臣僚言比歲有司差行事官或臨期稱疾則令以次官通攝漫無檢束淳化中臣僚有請應祀事稱疾者遣使同醫官驗視虛偽即行降黜乞詔有司申嚴法禁庶幾郊視每歲小大協恭從之

光宗紹熙二年九月二十七日詔郊祀大禮差鄭興裔李裕文蕭奔里懶李孝友充都大主管大內公事趙師夔楊皓鄧從訓夏執中蕭鵬巴張子仁謝淵充行宮使

翌日詔常璩差充郊祀大禮主管大內公事

二十七日詔郊祀大禮車駕自

太廟詣青城路上執綏官差權禮部尚書兼直學士院

兼權吏部尚書李嶽 寧宗慶元三年八月二十七日  
詔郊祀大禮霍汝翼甘昺李孝純李孝友張卓充行宮  
使潘師稷充都大主管大內公事郭揚充輦轅前編排  
引駕臣僚及御營四面巡檢

饗獻

宋會要

郊祀儀注

太

十一月祀南郊以皇弟開封尹匡義為亞獻興元尹光美為終獻開寶六年十一月七日詔以開封尹匡義興元尹光美充郊廟亞獻三獻九年三月二十三日中書門下言四月四日有事于南郊請其日升壇奠玉幣訖不降壇使奠爵及讀冊文詔依太宗至道二年正月十日親郊以皇太子為郊廟亞獻越王元份為終獻及次齋宮禮儀使宋白言伏詳儀注朝饗太廟皇帝先詣壘洗奠瓚祀昊天上帝即未詣壘洗先奠玉幣帝先後之際恐為未允請先詣壘洗後奠玉幣帝還召宰相問前代祀上帝未詣壘洗而先奠玉幣于禮可乎呂端等對

曰王者親執玉帛以事上帝玉帛者接神之物也于禮尤宜蠲潔若沃盥而後奠獻亦足以表虔潔之意白曰如允所陳止一次升壇帝愜然改容而言曰朕親行郊祀蓋為蒼生祈福若變禮為允固當依卿所奏如合遵舊典雖百次登降亦不以為勞端等言禮官所陳得禮之中遂從白議

### 宋會要

咸平二年八月二十八日禮儀使言南郊親祀舊儀先升壇奠玉幣訖降壇方詣壘洗再升壇行禮至道二年先詣壘洗後奠玉幣即是一時新禮詔如舊儀五年十一月一日詔南郊引駕中書樞密院行在西餘並依

天祐當是  
大禧之誤

官次 十一日親郊前三日帝齋于乾元殿尚書進素膳以雅王元份為郊廟亞獻充王元傑為終獻 天祐三年十一月十九日奉天書升壇合祭天地以皇太子為郊廟亞獻通王元儼為終獻禮畢皇太子賀于殿上文武百官賀于庭中

宋會要

天聖二年十一月十三日親郊皇兄亳州觀察使樂安郡公惟正攝左武衛上將軍祁國公為郊廟亞獻齊州防禦使允升攝左領軍衛上將軍萊國公為終獻 故事自是事如儀 五年十一月十七日親郊以樂安郡公惟正為郊廟亞獻皇兄潁州防禦使允寧為終獻



八年十一月十九日親郊保信軍節度使觀察留後惟  
正為郊廟亞獻同州觀察使允寧為終獻 景祐二年  
十一月十四日合祭天地于圓邱以安化軍節度使觀  
察留後允讓為郊廟亞獻貝州觀察使允弼為終獻  
寶元元年十一月十八日親郊以迎江軍節度使濮安  
懿王為郊廟亞獻安化軍節度觀察留後允弼為終獻  
慶厯元年十一月二十日親郊以寧江軍節度使允  
讓為郊廟亞獻安化節度使觀察留後允弼為終獻  
四年十一月親郊以寧江軍節度使同中書門下平章  
事汝南郡王允讓為郊廟亞獻武康軍節度使北海郡  
王允弼為終獻 七年十一月二十八日親郊以汝南

郡王允讓為郊廟亞獻北海郡王允弼為終獻 皇祐  
五年十一月四日親郊以汝南郡王允讓為郊廟亞獻  
北海郡王允弼為終獻 英宗治平二年十一月十六  
日親郊皇子穎王為郊廟亞獻皇兄涇州觀察使舒國  
公從式為終獻 初命東平郡王允弼為三獻辭以疾  
改差襄陽郡王允良又以疾辭故命從式故事親祠  
皇帝將就位祠官皆回班嚮帝須就位乃復侍臣跪讀  
冊至御名則興至是始詔以專奉祠事云 神宗熙寧  
元年十一月合祭天地于南郊以皇弟泰寧鎮海軍節  
度使同中書門下平章事岐王顥為郊廟亞獻皇伯彰  
德節度使同中書門下平章事濮國公宗樸為終獻

七年九月四日詔岐王顥為南郊亞獻嘉王顥為終獻  
十一月以岐王顥為郊廟亞獻嘉王顥為終獻  
年九月四日詔岐王顥為南郊亞獻嘉王顥為終獻  
十一月二十七日親郊以岐王顥為郊廟亞獻嘉王顥  
為終獻

宋會要 元豐元年

十一月五日詳定禮文所言臣等有詳南郊儀注分獻  
之官于內壇東門之外公卿之後重行西向北上立皇  
帝至位再拜並隨拜降神樂止又隨拜皇帝將奠配帝  
之幣禮生各引分獻官奉玉幣升壇奠于上下諸神之  
位訖各引復位初獻亞獻將升壇禮生分引諸位獻官

俱  
諸罍洗各由其陞酌奠訖俱還位今則獻官在外不  
拜不盥手先期升壇就位而立禮生更不贊升降之節  
唯贊上香捧幣奠爵而已伏乞自今分獻官行事並如  
儀注

宋會要 元豐四年

四年十月十一日詳定郊廟奉祀禮文又言周禮太宰  
之職祀五帝之日贊玉幣爵之事祀大神示亦如之享  
先王亦如之贊玉几玉爵又小宰之職凡祭祀贊玉幣  
爵之事凡受幣之事凡受爵之事國朝郊廟明堂禮以  
郊社令設玉幣太祝取玉幣以授侍中進皇帝門下侍  
郎取爵進皇帝奠爵皆未合禮伏請郊廟明堂令吏部

尚書一員奉玉幣吏部侍郎一員奉爵以次從皇帝至

神坐前左僕射

闕即右僕射

以玉幣進皇帝奠于地及酌獻

尚書左丞

闕則右丞

以爵受僕射進爵皇帝酌獻訖侍郎受

幣受爵以贊飲福及焚燎外宗廟仍尚書設玉几從之

宋會要

元豐年間

六年九月二十七日禮部言親祠南郊舊儀皇帝進詣

昊天上帝神座前奠玉幣訖還位又再升壇進熟一獻

禮畢即飲福受昨昨被旨候亞獻終獻禮成然後飲福

則皇帝須再拜升壇欲乞俟終獻復位皇帝于壇下當

午陞前北嚮飲福乞于儀注內修正又言周禮凡祭祀

王出入則奏王夏明入廟門已用樂矣今既移裸在作

樂之前皇帝詣壘洗奏乾安曲則入景靈宮門及南郊  
通門亦當奏乾安曲度合古制從之 同日詔親祀南  
郊候三獻畢升壇飲福以尚書禮部言太常寺狀親祀  
南郊舊儀皇帝進詣昊天上帝神座前奠玉幣訖還位  
又再升壇進熟一獻禮畢即飲福受胙詔候亞獻終獻  
禮成然後飲福已修入儀注緣此舊儀添此飲福陟降  
一節今親祀南郊儀內候終獻禮畢飲福須臾升壇欲  
乞竢終獻復位皇帝于壇下當于陛前北嚮飲福乞于  
儀注內修正并太常少卿葉均等言皇帝冬至祀圜邱  
內皇帝詣飲福位一節依禮文所申請朝旨並候亞獻  
終獻行禮畢後皇帝飲福受胙今看詳自來祭祀即無

初獻已畢尚猶立待亞獻行禮之儀今宋皇帝既已一獻更須退俟于何處欲乞且依舊儀皇帝酌獻畢即飲福降壇就位如常儀其景靈宮太廟亦當依此帝意在虔恭故有是詔 十月十八日太常博士何洵直言郊祀不陳寶瑞恐未應禮乞于冬至祀圜邱儀增入所司陳異寶及嘉瑞等于樂架之北東西詔從之

宋會要

哲宗元祐七年十一月十四日記昊天上帝于圜邱以皇叔祖感德軍節度使宗景為亞獻皇伯祖安定郡王世準為終獻

宋會要

元符元年八月六日三省言南郊請依元豐三年儀終  
獻禮畢皇帝再升飲福仍著為定例從之 十月十七

日以皇弟端王佖為亞獻華王伋為終獻 二年二月

二十三日禮部太常寺言今後南郊大禮乞令獻宜祝  
官贊者並立于逐龕陛之下從之先是南郊大禮郊壇

分獻官祝官贊者並立于小次之後去龕陛稍遠外壇  
行事迫于壇上禮畢奔走不逮不能盡虔恭之禮故有

是詔 四年五月十二日皇帝親祭地于方澤以皇弟

燕王伋為亞獻趙王偁為終獻前期皇帝散齋二日於

別殿致齋七日于內殿一日于齋宮舊儀時從官設次  
有城內餘就草場

今既于青城附近官舍設  
次日給食錢更不具食 祭前一日奏告太祖皇帝室



殿中監設大次于外壝西門之內道北南向小次于第二成于階之西東向設皇帝褥位于小次前東向設文武侍臣次于大次前陪祀行事官案室及有司次于外壝南門之外設饌幔于內壝東西門之外開座坎于壇于階之北土地光祿牽牲詣祀所大晟陳登歌之樂于壇上稍北南向設宮架于壇北內壝之外立舞表于鄼綴之間祭前一日太史設皇地祇位于壇上南方北向席以藁秸太祖皇帝位于壇上西方東向席以蒲越神州地祇位于第二成于階席以藁秸五官神嶽鎮海瀆各以其方設位于第二成山林川澤邱陵墳衍原隰各以其方設位于壇下內壝之內皆席以莞內向奉禮郎

禮直官設皇帝位版于第二成于階之西東向飲福位  
于壇上皇地祇神位東北南向望座位于瘞坎之南北  
向設燿火于望瘞位之西北向司尊彝帥其屬設玉帛  
簋于酌尊所次設籩豆爵簋之位正配位皆左十有一  
籩右十有一豆俱為三行俎一在籩前二在豆右為二  
重登一在籩豆間血盤一在登之前簋一簋一在籩豆  
外簋在左簋在右又設尊罍之位每位太尊三著尊二  
犧尊象尊壺尊山尊各一尊皆有罍以東為上尊南罍  
北又設籩一于第二成于階之側定以祭中爵中爵姑二于正配  
位尊罍之次又設內侍供奉皇帝盥帨位于皇帝版位  
之前又設象尊二壺尊二在壇下于階之西俱南向東

上皆加杓畢並實水又設第二成從祀每位皆左十籩

右十豆俱為三行俎二在籩豆前登一槃一

神州地祇  
五官神用

在籩豆間簋一簋一在籩豆外盞在左簋在右爵一置

于俎上內壝神位每位皆左二籩右二豆俎一在神位

前爵一次之簋一簋一在爵之前簋在左簋在右登一

在籩豆之間又設專壘之位二成每方各犧尊二山尊

二壇下每方設蜃尊二散尊二在神位之左蜃尊散尊

外餘皆有壘副之凡尊壘皆加杓畢又設正配位籩豆

盞簋俎斗鼎各一于饌慢之內大府卿少府監帥其屬

陳玉幣于籩皇地祇玉以黃琮幣以黃配帝幣亦如之

神州地祇玉以兩圭有邸幣以黑五行五官五方嶽鎮

海瀆諸神幣各從其方色禮神之玉各置于神位前瘞

玉加于幣

先是郊祀尊彝連立簋簠之類習用前代無所考正上遠稽三代作郊廟禮祀之器至是

舉而用之

禮然大倫

前

期一日尚輦奉御進興于垂拱

殿皇帝服通天冠絳紗袍乘輿以出稱警蹕如常儀乘

黃令進玉輅于宣德門外左輔奏請降輿升輅至齋宮

明裡殿前迴輅南向左輔奏請降輅乘輿入齋殿侍衛

如常儀祭日皇帝服通天冠絳紗袍乘輿至大次禮儀

使等分立大次前有司奏請行事皇帝服袞冕以出禮

儀使等前導至中壇門外殿中監跪進大圭皇帝執以

入宮架儀安之樂作至午階樂止登歌樂作至第二成

版位東向立樂止禮儀使奏請有司謹具請行事宮架

作寧安之樂廣生儲祐之舞八成止皇帝再拜禮儀使  
奏請搢大圭盥手登歌樂作悅手訖執大圭至壇樂止  
登歌嘉安之樂作殿中監進鎮圭皇帝搢大圭執鎮圭  
詣皇地祇神位前南嚮跪奠鎮圭于縹藉執大圭俛伏  
興搢圭禮儀使奏請受玉帶奠訖俛伏興再拜樂止恭  
安樂作詣太祖皇帝神位前西向奠圭帶如前儀禮儀  
使前導皇帝還版位登歌樂作至位東向立樂止禮部  
戶部尚書以下奉饌俎宮架豐安之樂作奉奠訖樂止  
皇帝再詣壘洗搢大圭盥手登歌樂作悅手洗爵拭爵  
訖執大圭至壇上樂止登歌先安之樂作詣皇地祇神  
位前搢大圭跪執爵祭酒三奠爵訖執圭俛伏興樂止

太祝讀冊皇帝再拜訖登歌英安之樂作詣太祖神位  
前如前儀皇帝還版位登歌樂作至位樂止皇帝還小  
次登歌樂作殿中監跪受大圭簾降樂止文舞退武舞  
進宮架文安之樂作舞者立定樂止亞獻盥悅訖作隆  
安之樂厚載凝福之舞禮畢樂止終獻行禮如前儀皇  
帝詣飲福位登歌樂作至位樂止福安之樂作皇帝再  
拜稽主跪受爵祭酒三啐酒奠爵受俎奠俎受搏黍豆  
既奠再受爵飲福訖奠爵執圭僊伏興再拜樂止皇帝  
還版位如前儀禮部戶部尚書撤俎豆登歌成安之樂  
作卒撤樂止禮部尚書等降復位禮直官曰賜胙行事  
陪祀官再拜宮架寧安之樂作一成止皇帝詣望座位

登歌樂作降自子階樂作宮架樂作至位北向立樂止  
禮直官曰可瘞舉燿火瘞半坎禮儀使跪奏禮畢宮架  
樂作皇帝出中壝門殿中監受大圭皇帝至大次樂止  
有司奏解嚴皇帝常服乘大輦還齋宮鼓吹振作皇帝  
升御座百官稱賀皇帝降座鳴鞭殿上侍立官以次退  
所司放仗還內如常儀 徽宗建中靖國元年十月十  
七日詔南郊以皇弟衛王侯為亞獻蔡王似為終獻崇寧  
三年親祀同

### 宋會要

大觀四年十一月三日冬至祀天子園壇以皇弟燕王  
侯為亞獻趙王偁為終獻 政和三年十一月五日帝

躬上神宗皇帝哲宗皇帝徽號冊寶于太廟越翌日記  
昊天上帝于圜邱以皇弟燕王侯為亞獻越王偲為終  
獻六年十一月八日朝獻景靈宮九日朝享太廟翌  
日記昊天上帝于圜壇皇弟燕王侯為亞獻越王偲為  
終獻



全唐文

宋會要

郊祀儀注

高宗紹興二年太常寺每歲常祀夏日致祭皇地祇係  
于行在錢湖門外惠照院望祭齋宮設位行禮以太祖  
皇帝配三獻官依議初獻係差宰執亞獻禮部尚書侍  
郎有故或闕次輪別曹長貳次給舍諫議終獻太常少  
卿禮部郎官有故或闕差北司官次輪別曹郎官